



Broj: 01/6-50-1-32-9/05
Sarajevo, 18.01.2005.

Z A P I S N I K
sa 9. sjednice Komisije za saobraćaj i komunikacije

Sjednica je održana 18.01.2005. godine sa početkom u 11,00 sati.

Sjednici su prisustvovali svi članovi Komisije:

- | | |
|-----------------------|---------------------|
| 1. Miloš Jovanović, | 6. Adem Huskić, |
| 2. Muhamed Moranjkić, | 6. Nenad Mišić, |
| 3. Ivo Lozančić, | 7. Ruža Sopta i |
| 4. Izet Hadžić, | 8. Milorad Živković |
| 5. Selim Bešlagić, | |

Sjednici su u ime Vijeća ministara BiH prisustvovali Zdravko Šavija i Goran Knežević, te poslanici koji su uložili amandmane Mirsad Ćeman i Vinko Zorić.

Sjednici je prisustvovao sekretar Komisije Milan Zjajić.

Predsjedavajući Miloš Jovanović je pozdravio prisutne i predložio sljedeći:

D N E V N I R E D

1. Verifikacija zapisnika sa 8. sjednice održane 15.07.2004. godine,
2. Prijedlog zakona o pošti, predlagач Vijeće ministara BiH,
3. Ostala pitanja.

Dnevni red je jednoglasno prihvaćen.

Ad. 1. Verifikacija zapisnika sa 8. sjednice održane 15.07.2004. godine,
Bez primjedbi Zapisnik sa 8. sjednice održane 15.07.2004. godine je jednoglasno verifikovan.

Ad. 2 Prijedlog zakona o pošti, predlagач Vijeće ministara BiH,
Komisija za saobraćaj i komunikacije je kao nadležna komisija, nakon iscrpne opće i rasprave o pojedinostima:

1. Jednoglasno podržala principe predloženog zakona,
2. Konstatirala da su amandmane uložili poslanici: Mirsad Ćeman, Vinko Zorić, Miloš Jovanović, Milorad Živković i Ruža Sopta, te nakon rasprave prihvatila amandmane, koji glase:

Amandman I

U članu 4. riječ "mora" mijenja se riječima: "dužan je", a na kraju briše tačka i dodaje tekst: "ili obezbijedi drugi adekvatan način za prijem pismonosnih pošiljki."

Amandman II

U članu 8. dodaje se novi stav, kao stav 1. koji glasi:

"1. Pod ostalim uslugama u smislu ovog zakona podrazumijevaju se posebne, dopunske i ostale poštanske usluge koje zahtijevaju pošiljalac ili primalac, a koje se utvrđuju Općim uslovima za vršenje poštanskih usluga."

Dosadašnji stav 1. i 2. postaju stav 2. i 3.

Amandman III

U članu 10. stav 4. tačka d) mijenja se i glasi:

"d) Sjedište Agencije je u Doboju."

Amandman IV

U članu 10. stav 5. tačka v) (c) iza riječi "Donosi" dodaje se riječ "opći"

Amandman V

U članu 10. stav 5. tačka i) iza riječi: "saglasnost na" briše se riječ "emisija" i mijenja riječima. "program izdavanja"

Amandman VI

U članu 10. stav 7. iza riječi: "konstitutivnih naroda" brišu se riječi: "prema popisu"

Amandman VII

U članu 10. stav 9. na kraju teksta briše tačka i dodaju riječi: "i Parlamentarnoj skupštini BiH."

Amandman VIII

U članu 16. stav 1. tačka 2. mijenja se i glasi:

"2. Poštanske marke moraju imati identifikaciju Bosne i Hercegovine, entiteta i identifikaciju poštanskog operatora."

Amandman IX

U članu 20. u stavu 1. i 2. znak "-" mijenja se rječu "do".

Amandman X

U članu 20. stav 3. se briše.

Amandman XI

U članu 21. u stavu 1. i 2. znak "-" mijenja se rječu "do".

Amandman XII

U članu 21. u stavu 4. riječi: "od 3. do 6. mjeseci" mijenja se rječima: "od 6. mjeseci".

Amandman XIII

U članu 25. dodati stav 4. koji glasi:

"4. Postojeće entitetske zakone uskladiti sa ovim zakonom u roku 6. mjeseci od stupanja na snagu ovog zakona."

3. Većinom glasova prihvatila tekst Prijedloga zakona o poštama Bosne i Hercegovine, kako ga je predložilo Vijeće ministara BiH sa prihvaćenim amandmanima, i

4. Konstatovala da je predloženi zakon neophodno donijeti.

U smislu odredbi člana 89. Poslovnika Predstavničkog doma Parlamentarne skupštine BiH, za izvjestioca u plenarnoj fazi imenovan je predsjedavajući Komisije Miloš Jovanović.

Ad. 3. Ostala pitanja

Pod ovom tačkom dnevnog reda član Komisije Muhamed Moranjković se osvrnuo na činjenicu da Ministarstvo saobraćaja i komunikacija nije po zaključku sa prethodne sjednice odgovorilo na deset konkretnih pitanja koja su se odnosila na tkz. CEMT dozvole. Naglasio je da pola godine nije bilo reakcija iz Ministarstva.

Zatim je u istom kritičnom tonu govorio o zaključku da Vijeće ministara BiH upozna Parlamentarnu skupštinu o rasporedu sjedišta institucija BiH i planiranim sjedištima za buduće institucije.

Komisija je jednoglasno podržala da se ponovo upute dopisi Ministarstvu i Vijeću ministara i inicira postupanje po ranijim zaključcima.

Napomena: Sastavni dio ovog zapisnika je i stenogram koji sačinjava Zajednička služba.

SEKRETAR KOMISIJE

Milan Zjajić



PREDSJEDAVAJUĆI KOMISIJE

Miloš Jovanović

